

Limba sarda

Su **sardu** est una limba romanza chi su populu de Sardigna faeddât in s'isula sua, e sa comunidade sarda chistionat in disterru.

Cuntenutu
Datos generales
Istòria
Naschida de sa limba sarda
Arrutroxa de Arroma e Imperu Bizantinu
Is pisanus in Sardigna
Su cadelanu e su castillianu in Sardigna
S'italianu in Sardigna
Sa batalla po sa limba sarda
Difusione, situatzione a die de oe e perigulu de estintzione
Sas bariedades
Sas grafias
Documentos in sardu anticu
Vocabolarieddu
Paraulas in italianu e in sos limbazos sardos
Boghes curreladas
Notas
Bibliografia
Cullegamentos de fora

Datos generales

Su sardu est atesu meda dae su latinu e dae sas àteras limbas neolatinas, mescamente pro su chi pertocat sa gramàtica. Sa limba sarda si agatat in *s'ala otzidentale* de sa latinidade, paris cun su catalanu, su frantzesu, s'otzitanu, s'ispagnolu, su portughesu e àteras minores. Custu cheret nàrrere chi tenet comentе caraterística su prurale in -s. In intro de sas limbас latinas, si sinnalat chi nde at leadu s'articulu ("su"/"sa") dae su latinu *ipse*, cando imbetzes totu sas àteras limbас l'ant leadu dae *ille* (francu su cadelanu in sas Isulas Baleares chi at bogadu s'articulu *es/sa* dae su latinu *ipse*), in prus est s'unica chi fraighet su tempus benidore ponzende su verbu de agiudu "àere" in antis de su disfinidu (p.e.: *apo a cantare* dae "habeo ad cantare") e no a pustis (p.e.: it. *canterò*, dae "cantare habeo").

Istòria




Naschida de sa limba sarda

Su sardu cumente limba chi benit dae su latinu cumèntzat a naschere in su 238 a in antis de Cristu, cando sa Sardigna fit provìntzia de Roma. Su latinu de sos soldados romanos, chi no fit su chi istudiaiant in sos liberos ma fit diferente meda a intro de totu sas regiones chi nde beniant, at cumentzadu a si amesturare luego cun sa limba chi sos sardos faeddaiant; a dolu mannu no ischimus meda de sa limba chi chistionàmus in Sardìgna a su tempus a insaras, ca no nosi est abarradu documentu iscritu e duncas totu su chi ischimus est pro more de faeddos (prus chi totu relatamus a su sartu, bestiàmene, matas) chi no nde benint de su latinu ma chi nde benint de su “paleusardu”, cumente a "làcana" o "mara". Sos Romanos perou no ant agattadu su “paleusardu” feti, difatis tòcat a no si nde immentigare de totu sas tzitades pùnicas in sas costeras, chi a marolla ant intradu faeddos pùnicos a intro de sos sardos puru; in ue sos faeddos pùnicos chi ancoras imperamus fatu fatu sunt unos cantu, est a nàrrere "mitza", "tzìpiri", "chemu", "tzichiria", "tzingorra" (in italianu, *sorgente*, *rosmarino*, *una manciata*, *aneto*, *piccola anguilla*). A contu fatu duncas su sardu est una limba romanza cumente a su frantzesu, s'ispanniolu, su cadelanu, su portughesu, s'italianu, su ladinu; totu limbас chi sunt nàschidas dae su latinu de sos soldados romanos cun sa limba chi sa zente de su logu faeddaiant giai.


Arrutroxa de Arroma e Imperu Bizantinu

Cumentzendi is sègulus cuatru e cincu agoa de Cristu, in s’imperu romanu ddoi intrant is "bàrbarus". Sa Sardìnnia puru no abàrrat a foras de custas intradas, e difatis intru de su 450 e su 530 nci lompint is Vàndalus, chi a su tempus aiant cunchistau giai s’Àfrica arromana. Sigumenti in Sardìnnia ddoi funt abarraus otanta annus sceti, no ant lassau arrastus in sa lingua nosta. In su 534 sa Sardìnnia tòrrat a intrai in s’Imperu Arromanu, chi perou immoi sa capitali no est prus Arroma ma Constantinòpoli. Medas funt is fueddus chi ndi funt bènnius de custu atòbiu cun is bizantinus, chi depeus ammentai, sa curtura insoru est intrada in totu is partis de sa vida de is sardus de su tempus; is fueddus bizantinus prus connottus funt *lepa*, *condaxi* / *condaghes* (arregorta de àutus giurìdicus), nòminis de personi cumentì a *Miali*, *Aleni*, *Giorgi*, *Stèvini*.

Is pisanus in Sardigna



Su sardu (num. 28) in sa carta de sas limbас romanzas



Mapa in ue si bidet sa cumpetentzia de su sardu

Bisàntziu si ndi stèsiat de Sardinnia po mori de is musulmanus, duncas s’Ìsula abbàrrat a sola fintzas a s’annu milli, candu cun s’annu milli Pisa e Gènova cumèntzant a intrai prus chi totu in Cabu de Susu e in su Giuixau de Casteddu, e ant lassau sa citadi de Sassari a is Genovesus. Po medas annus calincunu linguista at portau a in antis s’idea chi is pisanus apant mudau meda sa bariedadi campidanesa, in sa pronùntzia e in s’evolutzioni de sa lingua, narendi chi su campidanesu "lingua", "silicua", "anguidda", "ègua" o "cena", funt totu pròdusius de sa colonisadura pisana e chi is fueddus sardus diaderus siant "limba", "siliba", "ambidda", "eba", "chena", chi ancora fait a ddus intendi in Cabu de Susu. Is ùrtimus stùdius^[1] intamis ant amostau de manera crara chi, sendi chi is pisanus funt abarraus sessanta annus sceti in Cabu de Giossu, sendi chi no si funt mai bòfius amesturai a is sardus, est craru chi no ant pòtziu mudai una bariedadi chi partit de susu de Aristanis e chi pigat prus de una perra de Sardinnia. E prus pagu ancoras in cussus annus, in ui no esistiat sa scola cumentì a oi, no ddoi fiat s’arràdiu, is giorronalis, sa telebisioni. Is fueddus e is fenòmenus chi a is linguistas stràngius che Max Leopold Wagner funt partus stravanaus e acanta de su pisanu antigu e diferentis de su sardu de Cabu de Susu, funt nàscius simprementi ca est differenti sa stòria de cumentì su latinu est intrau e de cumentì est andau a in antis in Cabu de Susu e in Cabu de Giossu. Duncas, a contu fatu, siat "lingua" siat "limba" (e totu is atrus fueddus chi eus arremonau) funt sardus a su 100%, unu perou fait parti de is bariedadis campidanasas e s’atra de is bariedadis logudoresas. Comuncas, craru est chi calincunu fueddu est intrau in sardu de su pisanu, is prus connotus funt "bèciu"-"(b)jetzu", "brìgungia"-"(b)irgonza".

Su cadelanu e su castillianu in Sardigna

Su cadelanu bessit lingua officiali de Sardinnia in su 1479, centu annus agoa chi is cadelanus fiant intraus cun is sordaus in s’ìsula. Chentza duda peruna, su cadelanu est sa lingua stràngia chi prus est intrada in su sardu, oi in di puru meda fueddus chi imperaus tenint arrexini cadelana, est a nai "ferreri", "pichepedreri", "sabateri", "mìgia", "buciaca", "cadira", "bratzolu" e aicci narendi. Custa lingua fiat aici forti in sa sociedadi puru chi esistiat unu diciu in Casteddu “no connoscit su cadelanu” chi ddu imperànt po nai de unu fulanu chi fiat innioranti meda. Su castillianu est intrau meda a su propriu perou prus a tardu, a s'accabada de su 1500 candu giai nci fiant stetiùs 100 annus de influentzia de su cadelanu. Medas notàrius dd’ant imperau fintzas a s’acabbu de su 1700, e in calincunu logu po fintzas in is primus annus de su 1800, su sardu at arriciu una sienda de fueddus de su castillianu; perou bisongiat a ddu nai ca medas si funt perdius e po cussu parit ca is fueddus cadelanus prevalessint occannu. Nci funt medas fueddus castillianus in su sardu campidanesu e prus puru in su logudoresu, in su primu podeus agattai: "aposentu", "brincai", "callentai", "dengosu", "fardetta", "gana", "intregai", "lei" (*legge* in italianu), "menguai", "nascimentu", "obra", "prenda", "resfriai", "sintzillu", "tacca", "ventana". Toccat a nai ca is verbus in castillianu prevalessint in su sardu a cunfrontu de cussus de su cadelanu, mentras su cadelanu prevalessit in medas atras cosas.

S’italianu in Sardigna

« A sos tempos de sa pitzinnia, in bidda, totus chistionaiamus in limba sarda. In domos nostras no si faeddaiai atera limba. E deo, in sa limba nadia, comintzei a connoscher totu sas cosas de su mundu. A sos ses annos, intrei in prima elementare e su mastru de iscola proibeit, a mie e a sos fedales mios, de faeddare in s'unica limba chi connoschiamus: depiamus chistionare in limba italiana, "la lingua della Patria", nos nareit, seriuseriu, su mastru de iscola. Nois no connoschiamus sa limba italiana e, pro cussu, non istaiamus mudos de fronte a su mastru ma, tra nois, sighemus a faeddare in sa limba de mama. Su mastru, cando nos intendiat alleghende in sardu, nos daiat ses atzotadas subra sas manos, tres pro donzi manu. E, tando, istaiamus mudos puru tra nois. Gai, totus sos pitzinnos de 'idda, intraian in iscola abbistos e allirgos e nde bessian tontos e cari-tristos. »

(Frantziscu Masala, Sa limba est s'istoria de su mundu)

In su 1718 sa Sardinnia bessit parti de su chi iat a essi stètiu s’Arrennu de Itàlia. Fintzas a cussu annu perunu dominadori at tentu s’idea de nci burrai sa lingua sarda de su totu po imponni sa lingua sua, ma sa politiga savojarda teniat sa tenta de fai binci prus de totu is atras sa lingua italiana. Sigumenti su sardu fiat forti meda cumentì a lingua, e cun is mesus de cussus tempus no fiat a fai una furriada linguistiga de pressi, s’arruga prus simpri po italinisai sa Sardinnia fiat a italianisai su sardu in antis. Est prus simpri meda a passai de unu sardu italianisau a s’italianu chi no de unu sardu sintzillu a s’italianu. Po fai custu, su primu passu fiat a nci bogai de sa conca de is sardus is fueddus chi fiant atesu meda de s’italianu e a ddus arremprasai cun fueddus italianus “cun sa –u a s’acabu” (sardu proceddinu), po fintzas is fueddàrius e is gramàtigas de su tempus (s’Otuxentu) teniant custa tenta, sa de imparai s’italianu a is sardus passendi de unu sardu totu amesturau. S’italianu at perou cumentzau a si spainai diaderus cun sa scola po totus in su Noixentu, cun su serbitziu de sordau, cun is giorronalis. S’allestrada manna de s’italianu in Sardinnia dd’eus tenta cun sa telebisioni, chi at betiu sa lingua de su Stadu in totu is domus sardas. In is ùrtimus cinquanta annus, su sardu at arrenconau unu muntoni de fueddus, arrempraus de italianismus e custu est acadèssiu in totu s’ìsula, no ddoi funt logus e biddas a nca custu fenòmenu no siat acadèssiu. Sa "enna" o "janna" est bessia "sa porta", su "ajaju" est bessiu su "nonnu", su "fradili" est bessiu su "cuginu", e aici nendi.

Sa batalla po sa limba sarda

In s’acabu de is annus Sessanta e in su cumentzu de is annus Setanta de su Millinoixentu, in totu s’Europa nci est stètia una furriada curturali in totu is logus a nca ddoi fiat una lingua de minoria. Po nai, in Spànnia, morendisi Franco su ditadori, is minorias linguísticas bascas e cadalanas ant cumentzau a traballai meda po torrai a fai nasci is linguas insoru, in su Galles in s’Arrennu Uniu is gallesus ant cumentzau sa batalla insoru po fai arreconnosci sa lingua gallesa e su pròpiu ant inghitzau a fai is brètonus, is ladinus, is furlanus e totu is atras minorias europeas.

In Sardinnia puru su movimentu po sa lingua sarda si fiat fatu forti meda: in s’universidadi, in sa scola, in sa sotziedadi a chistionai de lingua sarda no fiat prus unu spantu. Is studiosus che Antoni Lèpori su professori fiant cumentzendi a scriri fueddàrius modernus, a studiai sistemas ortogràfigus po scriri su sardu de manera coerenti. Totu custas batallas, atòbius e stùdius ant fatu nasci in su 1997 sa lei sarda nùmuru 26, chi est sa primu lei chi nàrat de manera crara chi su sardu est una lingua chi fait a dda imperai in dònnia logu imparis a s’italianu. Nàrat puru ca sigumenti est una sienda, unu scrusoxu mannu po sa terra e su pòpulu sardu, tòcat a dda amparai cumentì si spètat, in sa scola, in sa sotziedadi e in sa vida de dònnia dii.

Agoa de duus annus est bessia sa lei 482 de su stadu, chi agoa de giai giai sesanta annus de democratzia cumprit s’artìgulu ses de sa Carta de su Stadu. Cun custa lei, su stadu arreconnoscit doxi minorias linguistigas a intru de is làcanas italianas, est a nai sa sarda, chi est sa minoria prus manna, sa furlana, sa tedesca, sa slovena, sa arbanesa, sa grecània, sa frantzesa, sa ladina, sa croata, sa franco-proventzali, sa cadelana e s’otzitana. Is partis prus de importu de custa lei funt chi totu custas linguas de minorias fait a nci ddas intrai in sa scola (de is elementaris fintzas a is mèdias). No cumentì a unus cantu de oras a sa cida, cumentì a una lingua stràngia, ma chi fait a ddas imperai po imparai is imparus che sa matemàtica, sa stòria, sa giografia e aici nendi. Custa est una furriada diaderus ca sa lingua de minoria bessit a lingua mesu de imparu. Atra parti de importu mannu de custa lei est chi arreconnoscit s’importàntzia de sa lingua de minoria in s’aministrazzioni pùbriga, e duncas permitit de dda imparai acanta de s’italianu, mancai s’italianu sceti donghit efetus de lei.

Difusione, situazione a die de oe e perigulu de estintzione

Si carcalat chi la diant a faeddare o cumprendere, nessi pro carchi fràsia, unas 1.200.000 personas de Sardigna e in prus sos disterrados chi no bi istant. Sos chi la cumprendent e la impreant de mèzus manera sunt meda prus pagos, ma no bi at carchi cherta ispetzialistiga chi nde tratet; paret peroe, comentente pro totu sas limbas de minoria, chi a la faeddare mèzus siant sos betzos, mancari bi sient giòvanos chi la istùdient e impreent bene.

Segundu a un'istùdiu de sa regione, su sardu lu diant a connòschere unas 1.495.000 personas e faeddare unas 1.000.000, a fronte de unu tres % ebbia chi naraiait de no lu connòschere, de no lu cumprendere e de no lu cherrere imparare. Ant peroe sinnaladu chi bi at s'arriscu chi su sardu diat a poder andare intra pagu tempus in estintzione, si no si ponet remèdiu, ca su bilinguismu est galu a bìdere; in prus, sighit a zirare unu *stigma* assotziadu a sa limba, e in sos ufizios pùblicos no si impreat a favore, oe, de s'italianu ebbia.

Custa situatzione si depet a s'istadu de diglossia, a livellu sotziològicu, chi at tentu e galu tenet su sardu dae s'època moderna in susu, ca sos invasores semper ant impostu che ufizziale sa limba issoro; si depet tènnere in contu chi sos ibericos teniant sas limbas insoro affaca a su sardu, mentras chi in s'ùrtimu periodu de dominatzione, sa piemontesa, sos de Savoia cheriant aunire su dominiu issoro fintzas linguisticamente e nche ant bogadu ispanolu e sardu puru. Sa cosa si che est galu prus imbrutada in sos annos '50 e '60 de su sèculu coladu, cando sos mèdios de comunicatzione e s'istrutzione ufizziale ant fatu a manera chi sos sardos aiant intesu s'italianu che "limba de cultura e de zente ischida", seberande de non imparare prus su sardu a sos fizos. In custu tempus, benit puru a pitzu su dualismu tra tzidade e bidda, in ue sa limba mama no est ancora totu isperdida. Pustis de una pelea longa incumintzada dae sos annos '70, si podet nàrrere chi carchi cosa siat cambiada ma solu in su 1997, pro more de una lege regionale chi at postu su sardu che limba ufizziale de sa Sardigna umpare a s'italianu.

Como bi at duas iscolas de pensu: a una banda, chie pensat chi s'irraighinamentu de su sardu dae sa sotziedade sarda siat arribadu a unu puntu chi su sardu si creet oramai belle iscumpartu e duncas estintu, a un'àtera chie imbetze cheret torrare sa limba a sos sardos chircande de sighire s'esèmpiu de àteras limbas de minoria, comente su catalanu. Bi at una tzerta atividade pro unificare su sardu, partzidu ind una cantidade manna de dialetos (unos 350) chi intra issos si podent cumprendere, ma pro como est in suta a critica o polèmica (comente at sutzessu pro sa Limba Sarda Unificada e sa Limba Sarda Comuna).

Sas bariedades

Sos limbistas partzint su sardu in medas bariedades, cun duas ortografias fundamentales a las intregare: su campidanesu e su logudoresu-nugoresu. Su gadduresu (cossu), s'aligheresu (catalanu) e su tabarchinu (ligurinu) no sunt dialetos sardos. Pro su tàtaresu (o turritanu) sa chistione est prus difizile ca mancari siet de gramàtiga corsicana, tenet meda de su lessicu logudoresu (80% a parrer de medas).

Sos limbazos sardos **campidanesos** sunt sa bariedade prus ispainada, cun unas 700.000 personas chi los faeddant. Si podet nàrrere chi, bogados sos Tabarchinos (Calasedda e Carloforte), totu sa Sardigna suta de unu raju ideale chi partit dae Cabras e lompèt a Lotzorai chistionat campidanesu, mancari in formas diferentes de bidda a bidda.

Sos limbazos sardos **logudoresos** los chistionant dae su Màrghine e dae su Montiferru in susu, fintzas a su monte Limbara. No est presente in Gaddura (francu pro sas biddas de Terranoa e Luras), ma medas lu faeddant finas in Tàtari e S'Alighèra, mancari custas cussòrgias tènzant dialetos issoro, e est istada sa limba de referèntzia pro sèculos pro sos poetas sardos e de sa litteradura sarda. Su **nugoresu**, chi est postu a pare cun su logudoresu, si no pro sa mancàntzia de sa lenitzione, si chistionat in sa provintzia de Nùgoro, bogandechè a parte su tretu asuta de Sòrgono (limba de Mesania) e de su Màrghine (logudoresu). Si creet chi siat custu su faeddu prus biu, e chi peri sos pitzinnos lu chistionent dae minores.

Sas grafias

Finas a oe, mancari bi siant istados medas traballos e bideas, pro sa limba sarda no si agatat ancora unu "standard" ebbia de iscritura. S'ùnicu puntu chi acomunat sos istudiosos est sa modalidade de atzentadura: s'atzentu cheret postu in sa sillaba de tres (partende dae sa fine de sa paràula) o in s'ùrtima. Lassande a banda sas grafias no issientificas, chi sos iscritores e sos poetas ant sighidu peri tantos sèculos, oe bi sunt bàtor propostas printzipales pro iscriere su sardu:

- LSC**: Limba Sarda Comuna, ufiziale pro sos àtos de sa Regione.
- LSU**: Limba Sarda Unificada.
- LdM**: Limba de Mesania.
- GSA**: Grafia sarda autònoma.

- ISO 639-1: sc
- ISO 639-2: srd
- ISO 639-3: variously:
 - srd — Sardinian (generic)
 - sro — Campidanese
 - sdn — Gallurese
 - src — Logudorese
 - sdc — Sassarese

Documentos in sardu anticu



Istatudos tataresos

Su sardu est istadu sa limba ufizziale de sos zudicados in s'Edade de Mesu. Sa limba iscritta presentaiat meda latinismos chi como no s'intendent prus e una grafia chi sufferiat s'influentzia de sos assentadores (toscanos, genovesos o catalanos a s'ispissu). Dante Alighieri allegat de su sardu in *De vulgari eloquentia* e nche bogat sos sardos dae s'orbita italica, pro chi a parrere suo no teniant unu volgare chi si depiat tenner a contu e sighiant a imitare su latinu ("domus nova" e "dominus meus" naranat infatis):

« Sardos etiam, qui non Latii sunt sed Latiis associandi videntur, eiciamus, quoniam soli sine proprio vulgari esse videntur, gramaticam tanquam simie homines imitantes: nam domus nova et dominus meus locuntur »


Si podet bider carchi elementu de su sardu ja in su 1063, ma si depet aisetare una bintina de annos a pustis pro bider sos primos documentos in sardu anticu, comente sa *Carta Volgare* (in campidanesu) e su chi si narat *Privilegio*

logudorese, oje conservadu in Pisa:

« In nomine Domini amen. Ego iudice Mariano de Lacon fazo ista carta ad onore de omnes homines de Pisas pro xu toloneu ci mi pecterunt: e



Limbas e dialetos de sa Sardigna



Dae su latinu *pacem* a sos faeddos in sardu pro cussa peraula.

platea(m)	pratha/pratza (camp.)	<i>place</i>	<i>plaza</i>	<i>plaça</i>	<i>plāça</i>	<i>plaza</i>	<i>praça</i>	<i>piața</i>	<i>piazza</i>
ponte(m)	ponte/ponti (camp.)	<i>pont</i>	<i>puente</i>	<i>pònt</i>	<i>pont</i>	<i>puent</i>	<i>ponte</i>	<i>pod/punte</i>	<i>ponte</i>
ecclesia(m)/basilica	cheia/creia/crèsia (camp.)	<i>église</i>	<i>iglesia</i>	<i>glèisa</i>	<i>església</i>	<i>ilesia</i>	<i>igreja</i>	<i>biserica</i>	<i>chiesa</i>
hospitale(m)	ispidale/spidali (camp.)	<i>hôpital</i>	<i>hospital</i>	<i>espital</i>	<i>hospital</i>	<i>hespital</i>	<i>hospital</i>	<i>spital</i>	<i>ospedale</i>
caseu(m) <small>lat.volg.<i>formaticu</i>(m)</small>	casu	<i>fromage</i>	<i>queso</i>	<i>formatge</i>	<i>formatge</i>	<i>formache/queso</i>	<i>queijo</i>	<i>brânză/caș</i>	<i>formaggio/cacio</i>

Paraulas in italianu e in sos limbazos sardos

Italianu	Logudoresu	Campidanesu	Galluresu	Tàtaresu	S'Aligheresu	Tabarchinu
la terra	sa terra	sa terra	la tarra	la terra	la terra/tierra	a tèra
il cielo	su chelu	su celu	lu celu	lu zelu	lo cel	u sé
l'acqua	s'abba	s'àcua	l'ea	l'eba	l'algua	l'aegua
il fuoco	su fogu	su fogu	lu focu	lu fogu	lo foc	u fogu
l'uomo	s'omine	s'òmini	l'omu	l'ommu	l'home	l'omu
la donna	sa fémina	sa fémina	la fèmina	la fémmina	la dona	a dona
mangiare	mandigare/papare	papai	manghjà	magnà	menjar	mangià
bere	buffare	bufai	bì	bì	beure	beive
grande	mannu	mannu	mannu/grendi/grandi	mannu	gran	grande
piccolo	minore	cinu/piticu	minori/picculu	minori	petit	piccin
il burro	su butidu	su butirru	butirru/buttirru	butiu	mantega	buru
il mare	su mare	su mari	lu mari	lu mari	la mar	u mô
il giorno	sa die	sa dii	la dì	la dia	lo dia	u giurnu
la notte	sa note	sa noti	la notti	la notti	la nit	a nèutte
la scimmia	sa issimmia/muninca	sa martinica/mantenica	la municca	la muninca	la muninca	a scimia
il cavallo	su caddu	su cuaddu	lu cabaddu	lu cabaddu	lo cavall	u cavallu
la pecora	sa berbeche/s'arveghe	su brebei	la pècura	la pégura	l'ovella	a pègua
il fiore	su fiore/frore	su frori	lu fiori	lu fiori	la flor	a sciùa
la macchia	sa macula/mantza	sa maguglia/mancia	la taccia	la maccia	la taca	a maccia
la testa	sa conca	sa conca	lu capu	lu cabbu	lo cap	a tésta
la finestra	sa bentana	sa ventana	lu balconi	lu balchoni	la finestra	u barcùn
la porta	sa yanna/gianna	sa genna/ghenna	la ghjanna/gianna	la janna	la porta	a porta
il tavolo	sa mesa	sa mesa	la banca	la banca/mesa	la taula	a tòa
il piatto	su piatu	su pratu	lu piattu	lu piattu	lo plat	u tundu
lo stagno	s'istanu	su stangiu/staini	lu stagnu	l'isthagnu	l'estany	u stagnu
il lago	su lagu	su lagu	lu lagu	lu lagu	lo llac	u lagu/lògu
un arancio	un'aranzu	un'aràngiu	un aranciu	un arantzu	una taronja	un cetrùn
la scarpa	s'iscarpa	sa crapita/sabàta/su sapàtu/ su butineddu	la botta	la botta	la bota	a scarpa/scòrpa
la zanzara	sa tintula	sa zintzula/zanzula/sintzula	la zinzula	la zinzura	la tintula	a sinsòa
la mosca	sa musca	sa musca	la musca	la mòscha	la mosca	a musca
la luce	sa lughe/luche	sa luxi/lughi	la luci	la luzi	la llumera/llum	a lùxe
il buio	su bugiu	su buju/iscuru/iscuriu	lu bughju	lu buggiu	l'obscuritat	scur
un'unghia	un'ùngia	un'unga	un'ugna	un'ugna	una ungla	un'ùngia
la lepre	sa lèpere	su lèpiri/lèpuri/lèpori	lu lèparu	lu lèpparu	la llebre	a léve
la volpe	su matzone/gròdhe	su margiani/mariane	lu maccioni	lu matzoni	lo guineot/matxoni	a vurpe
il ghiaccio	su ghiatzu/astragu/itia	su ghiàciu	lu ghjacciu	lu ghiacciu	lo guiatxo	u ghiacciu
il cioccolato	su cioccolatu/ciculata	su cioccolatu/ciuculati	lu cioccolatu	lu cioccolatu	la xocolata	a ciculata
la valle	sa 'adde	sa baddi/bacu	la vaddi	la baddi	la vall	a valle
il monte	su monte	su monti	lu monti	lu monti	lo mont	u munte
il fiume	su riu/frumene	su frumini/riu	lu riu	lu riu	lo riu	u riu
il bambino/ragazzo	su pitzinnu/piseddu	su pipiu/piciocu	lu steddu	lu pitzinnu	lo minyò	u figgeu
il neonato	sa criadura	su nennu/ddeddu	la criatura/stiducciu	la criaddura	la criatura	u piccin
il sindaco	su mere/su sindigu	su meri/su sindigu	lu sindacu	lu sindagu	l'alcalde/sindic	u scindegu
l'auto	sa màchina	sa màchina/s'àuto (su carru)	la vittura/la macchina	la macchina	la màquina/l'automobil	a vétùa/a machina

Boghes curreladas

- Limbas de sa Sardigna
- Italianu porcheddinu
- Limba polinomica

Notas

- Quanti luoghi comuni nella lingua sarda-R. Bolognesi (Universidadi de Amsterdam e de Groninga)* (http://www.comitau.org/Mangaras/bariedadi/s/luoghi_comuni_campidanesu.pdf)

Bibliografia

- (it)** Porru, Vissentu, *Dizionariu universali sardu-italianu*, Cagliari, Casteddu, 1832.

- (IT) Spano, Giovanni, *Ortografia sarda nazionale*, Casteddu, Reale Stamperia, 1840.
- (IT) Spano, Giovanni, *Vocabolario sardo-italiano e italiano-sardo*, 2 voll., Casteddu, 1851-1852 (torradu a imprentare dae Bologna, Arnaldo Forni, 1966).
- (IT) Wagner, Max Leopold, *Fonetica storica del sardo*, bortadu dae Giulio Paulis, Casteddu, Trois, 1984. (bortadura de: *Historische Lautlehre des Sardinischen*, 1941).
- (IT) Wagner, Max Leopold, *La lingua sarda. Storia, spirito e forma*, Berna, Francke, 1951; como a incuru de Giulio Paulis, Nùgoro, 1997.
- (IT) Wagner, Max Leopold, *Dizionario etimologico sardo (DES)*, Heidelberg, Carl Winter, 1962 (torradu a imprentare dae Casteddu, Trois, 1989).
- (IT) Angioni, Giulio, *Pane e formaggio e altre cose di Sardegna*, Zonza, Casteddu, 2002.
- (IT) Angioni, Giulio, *Tutti dicono Sardegna*, EDeS, Casteddu, 1990.
- (IT) Francesco Alziator, *Storia della letteratura di Sardegna*, Casteddu, 3T, 1982
- (IT) Bruno Anatra, *Editoria e pubblico in Sardegna fra Cinque e Seicento*, Roma, Bulzoni, 1982
- (IT) Maxia, Mauro, *Lingua Limba Linga. Indagine sull'uso dei codici linguistici in tre comuni della Sardegna settentrionale*, Casteddu, Condaghes 2006
- (IT) Maxia, Mauro, *La situazione sociolinguistica della Sardegna settentrionale*, in *Sa Diversidade de sas Limbas in Europa, Itàlia e Sardigna*, Regione Autònoma de Sardigna, Bilartzi 2010
- (IT) Areddu, Alberto G., *Le origini "albanesi" della civiltà in Sardegna*, Nàpoli, 2007.
- (DE, IT) B. S. Kamps e Antonio Lepori, *Sardisch fur Mollis & Muslis* (<http://casteddu.com/cstd/sardo.htm>), Steinhauser, Wuppertal, 1985.
- (IT) Blasco Ferrer, Eduardo, *Linguistica sarda. Storia, metodi, problemi*, Condaghes, Casteddu, 2003.
- (IT) Blasco Ferrer, Eduardo *Paleosardo. Le radici linguistiche della Sardegna neolitica*, Berlinu/New York (2010)
- (IT) Bolognesi, Roberto e Wilbert Heeringa, *Sardegna tra tante lingue: il contatto linguistico in Sardegna dal Medioevo a oggi*, Condaghes, Casteddu, 2005.
- (IT) Bolognesi, Roberto, *Le identità linguistiche dei sardi*, Condaghes
- (EN) Bolognesi, Roberto *The phonology of Campidanian Sardinian : a unitary account of a self-organizing structure*, The Hague: Holland Academic Graphics
- Cardia, Amos, *S'italianu in Sardinnia*, Iskra, 2006.
- Cardia, Amos, *Apedala dimòniu, I sardi*, Casteddu, 2002.
- (IT) Casula, Francesco, *La Lingua sarda e l'insegnamento a scuola*, Alfa, Quartu Sant'Aleni, 2010.
- (IT) Casula, Francesco, *Breve storia della scrittura in Sardegna*, EDES, Casteddu, 1978.
- (IT) Francesco Casula, *Letteratura e civiltà della Sardegna. Volume I*, 1ª ed., Patiolla, Grafica del Parteolla, 2011, ISBN 978-88-96778-61-6.
- (IT) Francesco Casula, *Letteratura e civiltà della Sardegna. Volume II*, 1ª ed., Patiolla, Grafica del Parteolla, 2013, ISBN 978-88-6791-018-2.
- (IT) Francesco Cesare Casula, *La Storia di Sardegna*, Tàtari, Carlo Delfino Editore, 1994, ISBN 978-88-7138-084-1.
- Sugeta, Shigeaki, *Su bocobolariu sinotticu nugoresu - giapponesu - italianu: sas 1500 paragulas fundamentales de sa limba sarda*, Della Torre, Casteddu, 2000.
- (IT) Sugeta, Shigeaki, *Cento tratti distintivi del sardo tra le lingue romanze: una proposta*, 2010.
- Colomo, Salvatore (a cura di), *Vocabularieddu Sardu-Italianu / Italianu-Sardu*.
- (IT) Giuseppe Corongiu, *Il sardo. Una lingua «normale». Manuale per chi non ne sa nulla, non conosce la linguistica e vuole saperne di più o cambiare idea*, Casteddu, Condaghes, 2013, ISBN 88-7356-214-0, OCLC 856863696. URL consultadu su 4 nadale 2019.
- Farina, Luigi, *Vocabolario Nuorese-Italiano e Bocobolariu Sardu Nugoresu-Italianu*.
- Jones, Michael Allan, *Sintassi della lingua sarda (Sardinian Syntax)*, Condaghes, Casteddu, 2003.
- Lepori, Antonio, *Vocabolario moderno sardo-italiano: 8400 vocaboli*, CUEC, Casteddu, 1980.
- (IT) Lepori, Antonio, *Zibaldone campidanese*, Castello, Casteddu, 1983.
- Lepori, Antonio, *Fueddàriu campidanese de sinònimus e contràrius*, Castello, Casteddu, 1987.
- Lepori, Antonio, *Dizionario Italiano-Sardo Campidanese*, Castello, Casteddu, 1988.
- Lepori, Antonio, *Gramàtiga sarda po is campidanesus*, C.R., Quartu San'Aleni, 2001.
- Lepori, Antonio, *Stòria lestra de sa literadura sarda. De su Nascimentu a su segundu Otuxentus*, C.R., Quartu San'Aleni, 2005.
- (IT) Mameli, Francesco, *Il logudorese e il gallurese*, Soter, Villanova Monteleone, 1998.
- (DE) Mensching, Guido, *Einführung in die sardische Sprache*, Romanistischer Verlag, Bonn, 1992.
- (IT) Mercurio, Giuseppe, *S'allega baroniesia. La parlata del sardo-baroniese – fonetica, morfologia, sintassi*, Ghedini, Milanu, 1997.
- (IT) Pili, Marcello, *Novelle lanuseine: poesie, storia, lingua, economia della Sardegna*, La sfinge, Ariccia, 2004.
- (IT) Pira, Michelangelo, *Sardegna tra due lingue*, Della Torre, Casteddu, 1984.
- (IT) Pittau, Massimo, *Grammatica del sardo-nuorese*, Patron, Bologna, 1972.
- (IT) Pittau, Massimo, *Grammatica della lingua sarda*, Delfino, Tàtari, 1991.
- Pittau, Massimo, *Dizionario della lingua sarda: fraseologico ed etimologico*, Gasperini, Casteddu, 2000/2003.
- (IT) Putzu, Ignazio, «La posizione linguistica del sardo nel contesto mediterraneo», in *Neues aus der Bremer Linguistikwerkstatt. aktuelle Themen und Projekte*, a cura di Cornelia Stroh, Universitätsverlag Dr. N. Brockmeyer, Bochum, 2012, pp. 175–206.
- Rubattu, Antonino, *Dizionario universale della lingua di Sardegna*, Edes, Tàtari, 2003.
- (IT) Rubattu, Antonino, *Sardo, italiano, sassarese, gallurese*, Edes, Tàtari, 2003.
- (IT) Grimaldi, Lucia, *Code switching nel sardo – un segno di disintegrazione o di ristrutturazione socio-linguistica?*, 2010.
- (IT) Salvatore Tola, *La Letteratura in Lingua Sarda. Testi, autori, vicende* (PDF), 1ª ed., Casteddu, CUEC, 2006, ISBN 88-8467-340-2, OCLC 77556665. URL consultadu su 4 nadale 2019 (archiviadu dae s'url originale su 14 aprile 2016).
- (IT) Salvatore Tola, *50 anni di premi letterari in lingua sarda*, 1ª ed., Sestu, Domus de Janas, 2006, ISBN 88-88569-61-8, OCLC 77504100. URL consultadu su 4 nadale 2019.
- (IT) Toso, Fiorenzo, *La Sardegna che non parla sardo*, CUEC, 2012
- (IT) Wolf, Heinz Jürgen, *Toponomastica barbaricina*, Nùgoro, 1998.
- Poscheddu, Peppe (1990); a cura di Giuseppe Petazzi. *Vocabolario medico : italiano-sardo sardo-italiano*, 2D Editrice Mediterranea, Casteddu

Cullegamentos de fora

- Ditzionàriu in lìnìa de sa limba e de sa cultura sarda (<https://ditzionariu.nor-web.eu/>) - Regione Autònoma de Sardigna
- A iscola de sardu (Maria Barca) - Sassari.TV (http://sassari.tv/cat_video.php?cat=6)

- [Sa Limba Sarda \(http://www.limbasarda.it/gram/gram_iniz.html\)](http://www.limbasarda.it/gram/gram_iniz.html)
- [Grammatica de su sardu campidanese \(http://www.comitau.org/Mangaras/gramatiga/gramatiga_sarda.pdf\)](http://www.comitau.org/Mangaras/gramatiga/gramatiga_sarda.pdf)
- [Grammatica de su sardu nugoresu \(in sardu\)](#)
- [Grammatica de su sardu nugoresu \(in italianu\) \(https://it.wikibooks.org/wiki/Sardo\)](https://it.wikibooks.org/wiki/Sardo)
- [Dizionario universale della lingua di Sardegna - Antoninu Rubattu \(N.B.: si cheries cussurtare su ditzionariu foras de sa retza, podies comuncàs iscaricàre sos libros chi sichin: s'unu pro sa prima parte A-L \(http://www.sardegnaacultura.it/documenti/7_81_20080107092727.pdf\) e s'atteru puru pro sa secunda parte M-Z \(http://www.sardegnaacultura.it/documenti/7_81_20080107093437.pdf\)\).](#)
 - [Italiano - Sardu \(http://www.antoninurubattu.it/rubattu/italiano-sardo/Dulsi-9/\)](http://www.antoninurubattu.it/rubattu/italiano-sardo/Dulsi-9/)
 - [Logudoresu \(http://www.antoninurubattu.it/rubattu/logudorese/Logudorese-2/\) / Campidanese \(http://www.antoninurubattu.it/rubattu/campidanese/Campidanese-13/\) / Nugoresu \(http://www.antoninurubattu.it/rubattu/nuorese/Nuorese-12/\) - Italiano](http://www.antoninurubattu.it/rubattu/logudorese/Logudorese-2/)
 - [In supra de sa botanica \(pràntas e àrbures\)](#)
 - [A-P \(http://www.antoninurubattu.it/rubattu/dizionario-degli-esseri-viventi-a/13-opere/186-esseri-1.html\)](http://www.antoninurubattu.it/rubattu/dizionario-degli-esseri-viventi-a/13-opere/186-esseri-1.html)
 - [P-Z \(http://www.antoninurubattu.it/rubattu/dizionario-degli-esseri-viventi-a/13-opere/187-esseri2.html\)](http://www.antoninurubattu.it/rubattu/dizionario-degli-esseri-viventi-a/13-opere/187-esseri2.html)
 - [In supra de s'ittiologia \(pìsches\) \(http://www.antoninurubattu.it/rubattu/dizionario-degli-esseri-viventi-a/13-opere/188-esseri3.html\)](http://www.antoninurubattu.it/rubattu/dizionario-degli-esseri-viventi-a/13-opere/188-esseri3.html)
 - [In supra de s'ornitologia \(puzònes\) \(http://www.antoninurubattu.it/rubattu/dizionario-degli-esseri-viventi-a/13-opere/189-esseri4.html\)](http://www.antoninurubattu.it/rubattu/dizionario-degli-esseri-viventi-a/13-opere/189-esseri4.html)
 - [In supra de sa Zoologia \(varios animales\) \(http://www.antoninurubattu.it/rubattu/dizionario-degli-esseri-viventi-a/13-opere/190-esseri5.html\)](http://www.antoninurubattu.it/rubattu/dizionario-degli-esseri-viventi-a/13-opere/190-esseri5.html)
- [Sa limba sarda \(http://www.midesa.it/cgi-bin/show?art=Tonzanu.htm\)](http://www.midesa.it/cgi-bin/show?art=Tonzanu.htm)
- [Glossàriu isperimentale cunforma a sas normas de referèntzia a caràtere isperimentale pro sa limba sarda iscrita \(http://www.sardegnaacultura.it/documenti/7_108_20090205122945.pdf\)](http://www.sardegnaacultura.it/documenti/7_108_20090205122945.pdf)
- [Memorie in lingua sarda - Sardegna Digital Library \(http://www.sardegnaadigitalibrary.it/index.php?xsl=648&s=17&v=9&c=4460&na=1&n=24&no_desc=1&c1=Memorie+in+lingua+sarda&idtipo=2&xctl=1&mtd=67\)](http://www.sardegnaadigitalibrary.it/index.php?xsl=648&s=17&v=9&c=4460&na=1&n=24&no_desc=1&c1=Memorie+in+lingua+sarda&idtipo=2&xctl=1&mtd=67)

Bogadu dae "https://sc.wikipedia.org/w/index.php?title=Limba_sarda&oldid=167614"

Ùrtima modifica su 14 Tri 2020, a is 13:56.

Su testu est disponibile segundu sa [litzèntzia Atributzione Creative Commons-Cumpartzi](#) a sa pròpria manera; si podent aplicare prus cunditziones galu. Abbàida is [cunditziones de impreu](#) pro is particulares.